


ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ԱՇԽԱՏԱԿԱԶՄ

«ԳՆՈՒՄՆԵՐԻ ԱԶԱԿՑՄԱՆ ԿԵՆՏՐՈՆ»
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ

«20» հուլիս 2016թ.

Հաստատում եմ՝

«Գնումների աջակցման կենտրոն» ՊՈԱԿ-ի

պետ  Մ. Անանյան

ՍՅ-ԳԲԽ-42/16 բողոքը քննող

հանձնաժողովին

Ե Ջ Ր Ա Կ Ա Ց ՈՒ Թ Յ ՈՒ Ն

Ղեկավարվելով «Գնումների մասին» ՀՀ օրենքի 16-րդ հոդվածի 1-ին մասի 8-րդ կետով, ՀՀ կառավարության 31.10.2002թ. N 1904-Ն որոշմամբ հաստատված «Գնումների աջակցման կենտրոն» ՊՈԱԿ-ի կանոնադրության 12-րդ կետի 8-րդ ենթակետով և ուսումնասիրելով ՀՀ ֆինանսների նախարարության 04.06.2016թ. թիվ 1/73-1/3607-16 և 29.02.2016թ. թիվ 1/73-1/7375-16 գրություններով ներկայացված Ա/Ձ Գազիկ Սիսակյանին գնումների գործընթացին մասնակցելու իրավունք չունեցող մասնակիցների ցուցակում ներառելու հարցը, պարզել ենք հետևյալը.

1. ՀՀ ֆինանսների նախարարության ներկայացրած փաստերը և պահանջը

ՀՀ ֆինանսների նախարարությունը, «Հայկական ատոմային էլեկտրակայան» ՓԲԸ-ի (այսուհետ նաև՝ Պատվիրատու) 23.12.2015թ. թիվ 40-1854 գրության հիման վրա, 04.06.2016թ. թիվ 1/73-1/3607-16 գրությամբ դիմել է «Գնումների աջակցման կենտրոն» ՊՈԱԿ-ին (այսուհետ՝ Կենտրոն)՝ խնդրելով ուսումնասիրել Ա/Ձ Գազիկ Սիսակյանին

(այսուհետ նաև՝ Մասնակից) գնումների գործընթացին մասնակցելու իրավունք չունեցող մասնակիցների ցուցակում (այսուհետ՝ Ցուցակ) ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ վերը նշված մասնակցին Ցուցակում ներառելու համար:

Կենտրոնը 26.02.2016թ. թիվ 01/04.1/677-16 գրությամբ, ՀՀ ֆինանսների նախարարության 04.06.2016թ. թիվ 1/73-1/3607-16 գրության հիման վրա, «Գնումների աջակցման կենտրոն» ՊՈԱԿ-ում կատարված ուսումնասիրության արդյունքում կազմել է եզրակացություն, որով Կենտրոնը արձանագրել է Ա/Ձ Գազիկ Սիսակյանի կողմից «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված խախտման առկայությունը:

Միաժամանակ Կենտրոնը հայտնել է, որ «Գնումների մասին» ՀՀ օրենքի (այսուհետ նաև՝ Օրենք) 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում մասնակցին ներառելու համար անհրաժեշտ է, որ նույն կետով սահմանված և մասնակցին վերագրվող խախտում թույլ տալու պահից մեկ տարվա ընթացքում անձը մասնակցած լինի գնման որևէ գործընթացին և ներկայացրած լինի հայտ, քանի որ Օրենքի նշված նորմի համաձայն՝ մասնակիցն ընդգրկվում է նշված ցուցակում, եթե վերագրվող խախտումը կատարվել է հայտը ներկայացնելու պահին նախորդող տարվա ընթացքում:

Հաշվի առնելով վերոգրյալը՝ Կենտրոնը գտել է, որ խախտումը թույլ տալու պահից (14.12.2015թ.) հաշված մեկ տարվա ընթացքում Մասնակցի կողմից հայտ ներկայացնելը հիմք կհանդիսանա ՀՀ գնումների բողոքարկման խորհրդում պաշտոնական ընթացակարգ նախաձեռնելու համար, որի արդյունքում Ա/Ձ Գազիկ Սիսակյանը կարող է ներառվել գնումների գործընթացին մասնակցելու իրավունք չունեցող մասնակիցների ցուցակում:

Նույն գրությամբ Կենտրոնը խնդրել է ՀՀ ֆինանսների նախարարությանը «Գնումների մասին» ՀՀ օրենքի 5-րդ հոդվածի 1-ին մասի 4-րդ կետով նախատեսված խախտում թույլ տված մասնակցի անվանումը հրապարակել www.gnumner.am համացանցային կայքում, ինչպես նաև համապատասխան շրջաբերականով պատվիրատուների կողմից հայտարարված մրցակցային գնման ընթացակարգերին Կենտրոնի եզրակացությունով արձանագրված խախտումը թույլ տված մասնակցի կողմից մեկ տարվա ընթացքում հայտ ներկայացնելու դեպքում այդ մասին Կենտրոնին անհապաղ

տրամադրել գրավոր տեղեկություններ (ընթացակարգի ծածկագիրը, մասնակցի հայտի պատճենը և այլն):

ՀՀ ֆինանսների նախարարությունը 29.02.2016թ. թիվ 1/73-1/7375-16 գրությամբ Կենտրոնին հայտնել է, որ անհրաժեշտ է նախաձեռնել Ա/Ձ Գազիկ Սիսակյանին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ:

2. Ա/Ձ Գազիկ Սիսակյանի ներկայացրած փաստարկները և դիրքորոշումը

«Գնումների աջակցման կենտրոն» ՊՈԱԿ-ը կարծիք ստանալու նպատակով 09.02.2016թ. թիվ 01/04.1/349-16 գրությամբ դիմել է Ա/Ձ Գազիկ Սիսակյանին:

Ի պատասխան Կենտրոնի վերոհիշյալ գրությանը՝ Մասնակիցը 17.02.2016թ. թիվ 17/02-01 գրությամբ հայտնել է, որ Ա/Ձ Գազիկ Սիսակյանը «Հայկական ատոմային էլեկտրակայան» ՓԲԸ-ի կողմից կազմակերպված «ՀԱԷԿ-ՇՀԱՊՁԲ-15/3» ծածկագրով շրջանակային համաձայնագրերի միջոցով գնում կատարելու ընթացակարգին (այսուհետ նաև՝ Ընթացակարգ) հայտ ներկայացնելու օրվա դրությամբ չի ունեցել ժամկետանց հարկային պարտավորություններ ՀՀ պետական բյուջեի նկատմամբ: Սակայն հայտ ներկայացնելուց հետո ՀՀ ֆինանսների նախարարության կողմից տրված եզրակացության մեջ նշվել է, որ Ա/Ձ Գազիկ Սիսակյանը ունի 17 484 ՀՀ դրամ ժամկետանց հարկային պարտավորություն ՀՀ պետական բյուջեի նկատմամբ, որը երևացել է տվյալ ամսվա հաշվետվությունից հետո և սահմանված կարգով վճարվել է տվյալ ամսվա 20-25-ը ընկած ժամանակահատվածում, հետևաբար պարտքի գոյացումը երևացել է թույլատրելի ժամանակահատվածում և վճարվել է ժամանակին՝ մինչև տվյալ ամսվա 25-ը:

Ա/Ձ Գազիկ Սիսակյանը 25.03.2016թ. թիվ 25/03-01 գրությամբ հայտնել է, որ Ա/Ձ Գազիկ Սիսակյանը Ընթացակարգին մասնակցության հայտ ներկայացնելու օրվա դրությամբ չի ունեցել ժամկետանց հարկային պարտավորություն ՀՀ պետական բյուջեի նկատմամբ, և ի հավաստումն իր դիրքորոշման, Կենտրոնին ներկայացրել է ՀՀ ԿԱ ՊԵԿ Արաբկիր հարկային տեսչության կողմից 24.03.2016թ. թիվ 1481 տեղեկանքը, համաձայն որի Ա/Ձ Գազիկ Սիսակյանը 14.12.2015թ. դրությամբ (հայտը ներկայացնելու օրվա դրությամբ) չունի ժամկետանց հարկային պարտավորություն ՀՀ պետական բյուջեի նկատմամբ:

Ա/Ձ Գագիկ Սիսակյանը, մասնակցելով 11.05.2016թ. ժամը 16:40-ին Կենտրոնում կայացած ՍՑ-ԳԲԽ-42/16 բողոքը քննող հանձնաժողովի նիստին, հայտնել է, որ հայտը ներկայացնելու օրվա դրությամբ չի ունեցել ժամկետանց հարկային պարտավորություններ ՀՀ պետական բյուջեի նկատմամբ:

3. «Հայկական ատոմային էլեկտրակայան» ՓԲԸ-ի ներկայացրած փաստարկները և դիրքորոշումը

«Հայկական ատոմային էլեկտրակայան» ՓԲԸ-ն 23.12.2015թ. թիվ 40-1854 գրությամբ ՀՀ ֆինանսների նախարարությանն հայտնել է, որ «ՀԱԷԿ-ՇՀԱՊՁԲ-15/3» ծածկագրով ընթացակարգի մասնակից Ա/Ձ Գագիկ Սիսակյանը ՀՀ պետական բյուջեի նկատմամբ ունեցել է 17 484 ՀՀ դրամ ժամկետանց հարկային պարտավորություն:

Միևնույն ժամանակ Պատվիրատուն վերոհիշյալ գրությամբ ՀՀ ֆինանսների նախարարությանն է ներկայացրել Ընթացակարգին վերաբերող անհրաժեշտ փաստաթղթերը:

Պատվիրատուն, պատշաճ ծանուցված լինելով 11.05.2016թ. ժամը 16:40-ին Կենտրոնում կայացած ՍՑ-ԳԲԽ-42/16 բողոքը քննող հանձնաժողովի նիստի վերաբերյալ, չի ապահովել իր ներկայացուցչի մասնակցությունը:

4. ՍՑ-ԳԲԽ-42/16 պաշտոնական ընթացակարգով նախաձեռնած բողոքի քննության համար էական նշանակություն ունեցող փաստերը

ՀՀ ֆինանսների նախարարության 04.06.2016թ. թիվ 1/73-1/3607-16 և 29.02.2016թ. թիվ 1/73-1/7375-16 գրություններով ներկայացված Ա/Ձ Գագիկ Սիսակյանին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքի քննության համար էական նշանակություն ունեն հետևյալ փաստերը՝

1. «Հայկական ատոմային էլեկտրակայան» ՓԲԸ-ի կողմից «Հայկական ատոմային էլեկտրակայան» ՓԲԸ-ի կարիքների համար գրենական պիտույքների և նյութերի ձեռքբերման նպատակով կազմակերպված «ՀԱԷԿ-ՇՀԱՊՁԲ-15/3» ծածկագրով

շրջանակային համաձայնագրերի միջոցով գնում կատարելու ընթացակարգին մասնակցելու նպատակով Ա/Ձ Գագիկ Սիսակյանը **14.12.2015թ.** հայտ է ներկայացրել:

2. Մասնակիցը հայտի N 2 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ **հայտը ներկայացվելու օրվա դրությամբ չունի ժամկետանց հարկային պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:**

3. Ընթացակարգի գնահատող հանձնաժողովը 14.12.2015թ. ժամը 14:00-ին կայացած նիստի թիվ 2 արձանագրությամբ որոշել է Ընթացակարգի 10-րդ և 13-րդ չափաբաժինների մասով Ա/Ձ Գագիկ Սիսակյանին ճանաչել 1-ին տեղ զբաղեցրած մասնակից:

4. Պատվիրատուն, ՀՀ ֆինանսների նախարարությանն ուղղված ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 47-րդ կետի 1-ին ենթակետով նախատեսված տվյալների ճշտման մասին 15.12.2015թ. կատարված հարցմամբ, խնդրել է տրամադրել տեղեկատվություն Ա/Ձ Գագիկ Սիսակյանի վերաբերյալ:

5. Ի պատասխան վերը նշված հարցմանը՝ ՀՀ ֆինանսների նախարարության կողմից Պատվիրատուին 18.12.2015թ. տրամադրվել է եզրակացություն, համաձայն որի Ա/Ձ Գագիկ Սիսակյանը **հայտը ներկայացնելու ներկայացնելու օրվա դրությամբ ՀՀ պետական բյուջեի նկատմամբ ունի ժամկետանց հարկային պարտավորություն 17848 ՀՀ դրամի չափով:**

6. Ընթացակարգի գնահատող հանձնաժողովը 22.12.2015թ. ժամը 10:00-ին կայացած նիստի թիվ 4 արձանագրությամբ որոշել է Ա/Ձ Գագիկ Սիսակյանի հայտը մերժել:

7. Կենտրոնը 26.02.2016թ. թիվ 01/04.1/677-16 գրությամբ, արձանագրել է Ա/Ձ Գագիկ Սիսակյանի կողմից «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «բ» ենթակետով նախատեսված խախտման առկայությունը և խնդրել ՀՀ ֆինանսների նախարարությանը «Գնումների մասին» ՀՀ օրենքի 5-րդ հոդվածի 1-ին մասի 4-րդ կետով նախատեսված խախտում թույլ տված մասնակցի անվանումը հրապարակել www.gnumner.am համացանցային կայքում, ինչպես նաև համապատասխան շրջաբերականով պատվիրատուների կողմից հայտարարված գնման

ընթացակարգերին Կենտրոնի եզրակացությունով արձանագրված խախտումը թույլ տված մասնակցի կողմից մեկ տարվա ընթացքում հայտ ներկայացնելու դեպքում այդ մասին Կենտրոնին անհապաղ տրամադրել գրավոր տեղեկություններ (ընթացակարգի ծածկագիրը, մասնակցի հայտի պատճենը և այլն):

8. ՀՀ ֆինանսների նախարարությունը 29.02.2016թ. թիվ 1/73-1/7375-16 գրությամբ Կենտրոնին հայտնել է, որ անհրաժեշտ է նախաձեռնել Ա/Ձ Գագիկ Սիսակյանին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ:

9. ՀՀ ԿԱ ՊԵԿ Արաբկիրի հարկային տեսչության կողմից 24.03.2016թ. տրված թիվ 1481 տեղեկանքի համաձայն՝ Ա/Ձ Գագիկ Սիսակյանը **14.12.2015թ. դրությամբ (հայրը ներկայացնելու օրվա դրությամբ) չունի ժամկետանց հարկային պարտավորություններ ՀՀ պետական բյուջեի նկատմամբ:**

5. ՍՑ-ԳԲԽ-42/16 պաշտոնական ընթացակարգով նախաձեռնված բողոքը քննող հանձնաժողովին «Գնումների աջակցման կենտրոն» ՊՈԱԿ-ի կողմից ներկայացվող հիմնավորումները և եզրահանգումը

«Գնումների աջակցման կենտրոն» պետական ոչ առևտրային կազմակերպությունը, ուսումնասիրելով «Հայկական ատոմային էլեկտրակայան» ՓԲԸ-ն 23.12.2015թ. թիվ 40-1854 գրությունը և կից փաստաթղթերը, ՀՀ ԿԱ ՊԵԿ Արաբկիրի հարկային տեսչության կողմից 24.03.2016թ. տրված թիվ 1481 տեղեկանքը, հայտնում է հետևյալը.

«Գնումների մասին» ՀՀ օրենքի 5-րդ հոդվածի 1-ին մասի 2-րդ կետի համաձայն՝ գնումների ընթացակարգերին մասնակցելու իրավունք չունեն անձինք, որոնք ունեն ժամկետանց պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:

Օրենքի 5-րդ հոդվածի 3-րդ մասի 4-րդ կետի համաձայն՝ մասնակիցը պետք է բավարարի հրավերով սահմանված որակավորման չափանիշներին: Մասնակիցը պետք է ունենա պայմանագրով նախատեսված պարտավորությունների կատարման համար հրավերով պահանջվող ֆինանսական միջոցներ:

Օրենքի 5-րդ հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող

մասնակիցների ցուցակում, եթե հայտը ներկայացնելու պահին նախորդող տարվա ընթացքում գնման գործընթացի շրջանակում ներկայացրել է կեղծ տվյալ:

Օրենքի 48-րդ հոդվածի 6-րդ մասի 7-րդ կետի համաձայն՝ ՀՀ գնումների բողոքարկման խորհուրդն իրավունք ունի որոշում կայացնելու մասնակցին գնումների գործընթացին մասնակցության իրավունք չունեցող մասնակիցների ցուցակում ներառելու համար:

ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) կարգի 35-րդ կետի 1-ին ենթակետի «բ» պարբերության համաձայն՝ մասնակիցը հայտով ներկայացնում է՝ իր կողմից հաստատված հայտարարություն՝ օրենքով նախատեսված մասնակցության իրավունքի և իրավերով սահմանված որակավորման չափանիշներին իր համապատասխանության մասին:

Կարգի 47-րդ կետի 1-ին ենթակետի համաձայն՝ հայտերի բացման նիստի ավարտին հաջորդող աշխատանքային օրը հանձնաժողովի քարտուղարն էլեկտրոնային եղանակով Հայաստանի Հանրապետության ֆինանսների նախարարություն հարցում է ներկայացնում առաջին և հաջորդաբար տեղ զբաղեցրած մասնակիցների՝ Հայաստանի Հանրապետության պետական բյուջեի նկատմամբ հայտը ներկայացնելու օրվա դրությամբ ժամկետանց հարկային պարտավորությունների, ինչպես նաև նույն կարգի 67-րդ կետով նախատեսված որակավորման պահանջի առկայության վերաբերյալ՝ ներկայացնելով հարկ վճարողի հաշվառման համարը:

Կարգի 48-րդ կետի համաձայն՝ Հայաստանի Հանրապետության ֆինանսների նախարարությունը նույն կարգի 47-րդ կետի 1-ին ենթակետով նախատեսված հարցումն ստանալու օրվան հաջորդող երկու աշխատանքային օրվա ընթացքում էլեկտրոնային եղանակով պատվիրատուին տրամադրում է հարցման մասին եզրակացություն: Նույն կետով սահմանված ժամկետում Հայաստանի Հանրապետության ֆինանսների նախարարությունից եզրակացության չստացման դեպքում մասնակցի ներկայացրած հայտարարությունը համարվում է իրականությանը համապատասխանող: Եթե տրամադրված եզրակացության արդյունքում մասնակցի ներկայացրած հայտարարությունները որակվում են իրականությանը չհամապատասխանող, ապա՝

1) հայտերի գնահատման արդյունքների հրապարակման նիստում հանձնաժողովի որոշմամբ տվյալ մասնակցի հայտը մերժվում է, և

2) այդ մասնակցի տվյալները գնման գործընթացին մասնակցելու իրավունք չունեցող մասնակիցների ցուցակում ներառելու գործընթաց նախաձեռնելու նպատակով ի հայտ եկած հանգամանքների մասին տեղեկությունները պատվիրատուի կողմից ուղարկվում են Հայաստանի Հանրապետության ֆինանսների նախարարություն՝ դրանց ի հայտ գալու օրվան հաջորդող երեք աշխատանքային օրվա ընթացքում:

Ա/Ձ Գազիկ Սիսակյանը «Հայկական ատոմային էլեկտրակայան» ՓԲԸ-ի կողմից «Հայկական ատոմային էլեկտրակայան» ՓԲԸ-ի կարիքների համար գրենական պիտույքների և նյութերի ձեռքբերման նպատակով կազմակերպված «ՀԱԷԿ-ՇՀԱՊՁԲ-15/3» ծածկագրով շրջանակային համաձայնագրերի միջոցով գնում կատարելու ընթացակարգին մասնակցելու նպատակով **14.12.2015թ.** հայտ է ներկայացրել:

Մասնակիցը հայտի N 2 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ **հայտը ներկայացվելու օրվա դրությամբ չունի ժամկետանց հարկային պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:**

Պատվիրատուն, ՀՀ ֆինանսների նախարարությանն ուղղված ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 47-րդ կետի 1-ին ենթակետով նախատեսված տվյալների ճշտման մասին 15.12.2015թ. կատարված հարցմամբ, խնդրել է տրամադրել տեղեկատվություն Ա/Ձ Գազիկ Սիսակյանի վերաբերյալ, որին ի պատասխան՝ ՀՀ ֆինանսների նախարարության կողմից Պատվիրատուին 18.12.2015թ. տրամադրվել է եզրակացություն, համաձայն որի Ա/Ձ Գազիկ Սիսակյանը **հայտը ներկայացնելու օրվա դրությամբ ՀՀ պետական բյուջեի նկատմամբ ունի ժամկետանց հարկային պարտավորություն 17 848 ՀՀ դրամի չափով:**

Ընթացակարգի գնահատող հանձնաժողովը, հիմք ընդունելով Մասնակցի հայտը ներկայացնելու օրվա դրությամբ ՀՀ պետական բյուջեի նկատմամբ ժամկետանց հարկային պարտավորություն ունենալու հանգամանքը, 22.12.2015թ. ժամը 10:00-ին կայացած նիստի թիվ 4 արձանագրությամբ որոշել է Ա/Ձ Գազիկ Սիսակյանի հայտը մերժել:

Միևնույն ժամանակ Կենտրոնը արձանագրում է, որ Ա/Ձ Գազիկ Սիսակյանի կողմից 25.03.2016թ. թիվ 25/03-01 գրությամբ ներկայացվել է ԿԱ ՊԵԿ Արաբկիրի

հարկային տեսչության կողմից 24.03.2016թ. տրված թիվ 1481 տեղեկանքը, որի համաձայն՝ Ա/Ձ Գագիկ Սիսակյանը **14.12.2015թ. դրությամբ (հայտը ներկայացնելու օրվա դրությամբ) չունի ժամկետանց հարկային պարտավորություններ ՀՀ պետական բյուջեի նկատմամբ:**


«Գնումների մասին» ՀՀ օրենքի 5-րդ հոդվածի 1-ին մասի 2-րդ կետի համաձայն՝ գնումների ընթացակարգերին մասնակցելու իրավունք չունեն անձինք, որոնք ունեն ժամկետանց պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:

Այսպիսով, ելնելով վերոգրյալից, ինչպես նաև հիմք ընդունելով ՀՀ ԿԱ ՊԵԿ Արաբկիրի հարկային տեսչության կողմից 24.03.2016թ. տրված թիվ 1481 տեղեկանքը, որի համաձայն՝ Ա/Ձ Գագիկ Սիսակյանը **14.12.2015թ. դրությամբ (հայտը ներկայացնելու օրվա դրությամբ) չի ունեցել ժամկետանց հարկային պարտավորություններ ՀՀ պետական բյուջեի նկատմամբ**, Կենտրոնը գտնում է, որ ՀՀ ֆինանսների նախարարության 04.06.2016թ. թիվ 1/73-1/3607-16 և 29.02.2016թ. թիվ 1/73-1/7375-16 գրություններով ներկայացված Ա/Ձ Գագիկ Սիսակյանին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքեր առկա չեն:

Հետևաբար Կենտրոնը առաջարկում է ՀՀ ֆինանսների նախարարության 29.02.2016թ. թիվ 1/73-1/7375-16 գրությամբ նախաձեռնված Ա/Ձ Գագիկ Սիսակյանին (ՀՎՀՀ՝ 25321662) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգը մերժել:


«Գնումների աջակցման կենտրոն» ՊՈԱԿ-ի՝

Պետի տեղակալ՝



Հ. Այունց

Գնումների բողոքարկման և ահազանգման բաժնի պետ՝



Մ. Կատվալյան

Գնումների բողոքարկման և ահազանգման բաժնի առաջատար մասնագետ՝ ՍՅ-ԳԲԽ-42/16 բողոքը քննող հանձնաժողովի քարտուղար՝



Ա. Ծատուրյան